

Na osnovu Odluke Uprave J.P. Međunarodni aerodrom "SARAJEVO" d.o.o. Sarajevo broj: 05-1-30-1-2672-1/25 od 31.10.2025. god., J.P. Međunarodni aerodrom "SARAJEVO" d.o.o. Sarajevo, dana 27.11.2025. godine, raspisuje

J A V N I P O Z I V

I

1. Školovanje kadrova za obavljanje poslova i zadatka prihvata i otpreme putnika u Sektoru saobraćaja, u trajanju od 18 dana (maksimalno 50 polaznika) i
2. Školovanje kadrova za obavljanje poslova i zadatka tehničkog prihvata i otpreme zrakoplova i stvari u Sektoru saobraćaja u trajanju od 11 dana (maksimalno 50 polaznika).

II

Plan i program školovanja utvrđen je Trening programom – Centra za obuku stručnom osoblja u J.P. Međunarodni aerodrom „SARAJEVO“ d.o.o. Sarajevo, a koji će obuhvatati obuku za obavljanje poslova iz tačke I ovog javnog poziva.

III

Shodno uslovima Pravilnika o radu J.P. Međunarodni aerodrom "SARAJEVO" d.o.o. Sarajevo kandidati koji apliciraju za školovanje iz tačke I ovog javnog poziva, pored opštih uslova propisanih zakonom, moraju ispunjavati minimalno i sljedeće posebne uslove:

1. Prihvat i otprema putnika:

- KV (III stepen) ili SSS (IV stepen) – prirodni, društveni ili tehnički smjer;
- osposobljenost za korištenje Microsoft orijentiranih operativnih sistema i aplikativnih modula, a čije će znanje provjeravati J.P. Međunarodni aerodrom "SARAJEVO" d.o.o. Sarajevo testiranjem;
- znanje engleskog jezika iz domena poslova koji će se obavljati, a čije će znanje provjeravati J.P. Međunarodni aerodrom "SARAJEVO" d.o.o. Sarajevo testiranjem.

2. Tehnički prihvat i otpreme zrakoplova i stvari:

- KV (III stepen) ili SSS (IV stepen) – prirodni, društveni ili tehnički smjer
- vozačka dozvola minimalno „B“ kategorije.

IV

Kandidati su dužni priložiti sljedeće dokumente (ovjerene fotokopije dokumenata za dokumente iz tačke IV.3, IV.4., IV.5, IV.6. i IV.7.) kojima se dokazuje ispunjavanje traženih opštih i posebnih uslova iz tačke II poziva, i to:

1. Prijava za školovanje podnosi se isključivo na propisanom, uredno popunjenom i vlastoručno potpisanom obrascu "Obrazac/prijava za školovanje", koji se može preuzeti na službenoj web stranici Društva: www.sarajevo-airport.ba, u rubrici "O nama", podrubrika „Ljudski resursi“, članak "Prijava za školovanje" – link za preuzimanje obrasca ili lično, na protokolu J.P. Međunarodni aerodrom "SARAJEVO" d.o.o. Sarajevo. Ukoliko se prijava iz tačke IV. 1. i IV. 2. ne podnese na propisanom obrascu, odnosno vlastoručno ne potpiše na za to predviđeno mjesto, neće biti uzeta u razmatranje; - **SVI KANDIDATI**
2. Pismena, vlastoručno potpisana izjava (Obrazac/izjava o zdravstvenoj sposobnosti) da je kandidat zdravstveno sposoban za obavljanje poslova iz tačke I., koja se može preuzeti na službenoj web stranici Društva: www.sarajevo-airport.ba, u rubrici "O nama", podrubrika „Ljudski resursi" - nije potrebno ovjeravati kod nadležnog organa uprave (u općini); - **SVI KANDIDATI**
3. Izvod iz matične knjige rođenih - rodni list; **SVI KANDIDATI**
4. Uvjerenje o državljanstvu (ne starije od šest mjeseci); **SVI KANDIDATI**
5. Prijavu mjesta prebivališta (ne starije od šest mjeseci); **SVI KANDIDATI**
6. Svjedočanstvo ili diplomu o završenoj traženoj stručnoj spremi; **SVI KANDIDATI**
7. Vozačka dozvola minimalno B kategorije, isključivo za kandidate iz tačke III. podtačka 2. Javnog poziva (za poziciju **Tehnički prihvat i otprema zrakoplova i stvari**).

V

Za provođenje javnog poziva formirat će se Komisije za izbor.

VI

Maksimalan broj kandidata koji će učestvovati u procesu školovanja ograničen je na po 50 kandidata za poslove iz tačke III podtačke 1. i 2. ovog Poziva, a proces izbora kandidata za školovanje zasnivat će se na razmatranju dostavljene dokumentacije i održanim testovima: usmenom (intervju) za kandidate iz tačke III. podtačka 2. Javnog poziva (za poziciju Tehnički prihvati i otprema zrakoplova i stvari), odnosno usmenom (intervju), testu poznavanja rada na računaru i testu engleskog jezika za poziciju Prihvati i otprema putnika).

Komisija će ocjenjivati kandidate na osnovu rezultata pokazanih tokom testiranja, nakon čega će sačiniti listu uspješnih kandidata kojim će se omogućiti školovanje.

VII

Krajnji rok za podnošenje prijave po Javnom pozivu za školovanje kadra, odnosno njihovu predaju na poštu ili neposredno u sjedištu J.P. Međunarodni aerodrom „SARAJEVO“ d.o.o. Sarajevo (protokol), **je 15 (petnaest) dana od dana njegovog objavljivanja, odnosno do 12.12.2025. godine.**

J.P. Međunarodni aerodrom "SARAJEVO" d.o.o. Sarajevo zadržava pravo da animira prijavljivanje kandidata za školovanje i drugim sredstvima pored ovog javnog poziva (putem Službe za zapošljavanje, neposrednim kontaktima obrazovnih institucija koje educiraju traženi kadar i sl).

VIII

Prijava na javni poziv, sa naprijed naznačenom dokumentacijom, podnosi se putem pošte ili neposredno u sjedištu J.P. Međunarodni aerodrom „SARAJEVO“ d.o.o. Sarajevo (protokol), Sarajevo-Ilidža, ulica Kurta Schorka broj 36 (kompleks Međunarodnog aerodroma Sarajevo), u zatvorenoj koverti, na kojoj treba biti napisano:

PRIMALAC: J.P. Međunarodni aerodrom „SARAJEVO“ d.o.o. Sarajevo

Ul. Kurta Schorka broj 36

71 210 ILIDŽA - SARAJEVO

sa naznakom: **„Školovanje kadrova za obavljanje poslova i zadataka u Sektoru saobraćaja“**

Prijava na javni poziv za školovanje:

_____ - NE OTVARATI“
(upisati puni naziv vrste školovanja za koji se prijava podnosi)

Na poledini koverta potrebno je napisati:

- ime i prezime kandidata,
- naziv i broj ulice stanovanja,
- naziv i poštanski broj mjesta stanovanja (općina i/ili grad).

Ako kandidat konkuriše na obje vrste školovanja iz Tačke III obavezan je podnijeti prijavu za svako radno mjesto pojedinačno, u odvojenim kovertama.

Na koverti je OBAVEZNO naznačiti na koju vrstu školovanja se odnosi dostavljena prijava. Neblagovremene, nepotpune i neuredne prijave neće biti razmatrane.

NAPOMENA: J.P. Međunarodni aerodrom "SARAJEVO" d.o.o. Sarajevo će zadržati prijave i dokumentaciju dostavljenu uz iste, te se ista neće vraćati podnosiocima prijave.

U slučaju potrebe za dodatnim pojašnjenjima ili informacijama, kandidati se mogu obratiti upitom na e-mail adresu: ljudski.resursi@sarajevo-airport.ba.

Kandidati koji uspješno završe proces školovanja, mogu očekivati da zasnuju radni odnos na period do 6 (šest) mjeseci, počev od aprila/maja 2026. godine.

IX

Kandidati koji su u prethodnim godinama prošli školovanje iz tačke I ovog Javnog poziva biće telefonski ili putem e-maila pozvani na obnovu i **NE TREBAJU SE PRIJAVLJIVATI NA OVAJ JAVNI POZIV.**